


















李長吉歌詩目錄卷四



艾如張

上雲樂

摩多樓子

猛虎行

日出行

苦篁調嘯引

拂舞歌詞

夜坐吟

箜篌引

巫山高


平城下

江南弄

榮華樂

相勸酒

瑤華樂



北中寒

梁臺古愁

公無出門

神絃曲

神絃

神絃別曲

綠水辭

沙路曲

上之回

高軒過

貝宮夫人

蘭香神女廟

送韋仁實兄弟入關

洛陽城外別皇甫湜

溪晚涼

官不來

長平箭頭歌

江樓曲

塞下曲

染絲上春機

五粒小松歌

塘上行

呂將軍歌

休洗紅

野歌

美人梳頭歌

月漉漉歌

京城

官街鼓

許公子鄭姬歌

新夏歌

題歸夢

將進酒

經沙苑

出城別張又新酬李漢

李長吉歌詩目卷之四

終



李長吉歌詩卷之四

唐 隴西李賀撰

宋 廬陵劉辰翁評

艾如張

艾或音又非後面分明艾葉是

似古詩乃不覺其垂花挿

髻者

錦。襜。褕。繡。襜。襦。強。飲。啄。哺。爾。雛。隴。東。臥。穉。滿。風。雨。
莫。信。籠。媒。隴。西。去。齊。人。織。網。如。素。空。張。在。野。田。平。
碧。中。網。絲。漠。漠。無。形。影。誤。爾。觸。之。傷。首。紅。艾。葉。綠。
花。誰。剪。刻。中。藏。禍。機。不。可。測。

又古
是樂神之辭

上雲樂

飛香走紅滿天春。花龍盤盤上紫雲。三千宮女列
金屋。五十絃瑟海上聞。天江碎碎銀沙路。羸女機
中煙素素。斷煙素縫衣縷。八月一日君前舞。

摩多樓子

玉塞去金人。二萬四千里。風吹沙作雲。一時渡遼
水。天白水如練。甲絲雙串斷。行行莫苦辛。城月猶
殘半。曉氣朔煙上。趑趄胡馬蹄。行人臨水別。隔隴

此等痛快

長東西。

猛虎行

長戈莫春。長弩莫抨。乳孫哺子。教得生狞。舉頭爲
 城掉尾爲旌。東海黃公。愁見夜行。道逢騶虞。牛哀好
 不平。何用尺刀。壁上雷鳴。泰山之下。婦人哭聲。官
 家有程吏。不敢聽。言吏畏嚴刑。犯險穿虎而行。

甚疾吏之辭

日出行

白日下崑崙。發光如舒綵。徒照葵藿心。不照遊子

悲折折黃河曲。日從中央轉。賜谷耳曾聞。若木眼
不見。奈爾鑠石胡。爲銷人羿。彎弓屬矢。那不中足
令久不得奔。詎教晨光夕昏。

苦篁調笑引

俳體得之

請說軒轅在時事。伶倫採竹二十四。伶倫採之自
崑丘。軒轅詔遣中分作十二。伶倫以之正音律。軒
轅以之調元氣。當時黃帝上天時。二十三管咸相
隨。唯留一管人間吹。無德不能得此管。此管沈埋

以此寄興甚
奇

虞舜祠

拂舞歌辭

吳娥聲絕天。空雲閑徘徊。門外滿車馬。亦須生綠苔。
樽有烏程酒。勸君千萬壽。全勝漢武錦樓上。曉望晴寒飲花露。
東方日不破。天光無老時。丹成作蛇乘白霧。千年重化玉井土。
從蛇作土二千載。吳堤綠草年年。在背有八卦稱神仙。
邪鱗頑甲滑腥涎。

此語轉奇惜
錦字劣

夜坐吟

踏踏馬蹄誰見過。眼看北斗直天河。西風羅幕生
翠波。鉛華笑妾顰青娥。爲君起唱長相思。簾外嚴
霜皆倒飛。明星爛爛東方暉。紅霞梢出東南涯。陸
郎去矣乘班騅。

箜篌引

又曰公無渡河

公乎公乎。提壺將焉如。屈平沈湘不足慕。徐衍入
海誠爲愚。公乎公乎。牀有菅席盤有魚。比里有賢

山
七字分明巫

兄。東隣有小姑。隴畝油油黍與葫。瓦甌濁醪蟻浮。
浮。黍可食。醪可飲。公乎公乎其奈君。被髮奔流竟
何如。賢兄小姑哭嗚嗚。

巫山高

碧叢叢。高插天。大江翻瀾神曳煙。楚魂尋夢風颺。
然。曉風飛雨生苔錢。瑤姬一去一千年。丁香筇竹
啼老猿。古祠近月蟾桂寒。椒花墜紅濕雲間。

平城下

飢寒平城下。夜夜守明月。別劍無玉花。海風斷鬢
髮。塞長連白空。遙見漢旗紅。青帳吹短笛。煙霧濕
畫龍。日晚在城上。依稀望城下。風吹枯蓬起。城中
嘶瘦馬。借問築城吏。去關幾千里。惟愁裹屍歸。不
惜倒戈死。

江南弄

江中綠霧起涼波。天上疊巘紅嵯峨。水風浦雲生
老竹。渚暝蒲帆如一幅。鱸魚千頭酒百斛。酒中倒

無不奇絕

臥南山綠。吳歛越吟未終曲。江上團團帖寒玉。

榮華樂

一作東洛梁家謠

鳶肩公子二十餘。齒編貝。脣激朱。氣如虹。霓飲如
建瓴。走馬夜歸。叫嚴更。徑穿複道。游椒房。龍裘金
玦。雜花光。玉堂調笑。金樓子。臺下戲學。邯鄲倡。口
吟舌話。稱女郎。錦袿繡面。漢帝旁。得明珠十斛。白
璧一雙。新詔垂金曳紫光。煌煌馬如飛。人如水。九
卿六官皆望履。將迴日月先反掌。欲作江河唯畫

張姓第大詭

為此名

至無緊要却

有思索

地峨峨虎冠上切雲。竦劍晨趨凌紫氛。繡段千尋
貽阜隸。黃金百鎰貺家臣。十二門前張大宅。晴春
煙起連天碧。金鋪綴日雜紅光。銅龍鬣環似爭力。
瑤姬凝醉臥芳席。似謂月海素籠牕空下隔。丹穴取鳳充
行庖。糶糶如拳那足食。金蟾呀呀蘭燭香。軍裝武
妓聲琅璫。誰知花雨夜來過。但見池臺春草長。嘈
嘈絃吹匝天開。洪厓簫聲遶天來。天長一矢貫雙
虎。雲弮絕騁聒早雷。亂袖交竿管兒舞。吳音綠鳥

學言語。能教刻石平紫金。解送刻毛寄新鬼。三皇
皇后七貴人。五十校尉二將軍。當時飛去逐彩雲。
化作今日京華春。

相勸酒

羲和騁六轡。晝夕不曾閑。彈鳥崦嵫竹。扶馬蟠桃一作石
鞭。蓐收旣斷翠柳。青帝又造紅蘭。堯舜至今萬萬
歲。數子將爲傾蓋間。青錢白璧買無端。丈夫快意
方爲歡。臞螭臞熊何足云。會須鐘飲北海。箕踞南

山歌淫淫。管惜惜。橫波好送雕題金。人生得意且
如此。何用強知元化心。相勸酒。終無輟。伏願陛下
鴻名終不歇。子孫綿如石上葛。來長安。車駢駢。中
有梁冀舊宅。石崇故園。

瑤華樂

穆天子。走龍媒。八轡冬隴逐天迴。五精掃地凝雲
開。高門左右日月環。四方錯鏤稜層殷。舞霞垂尾
長盤珊。江澄海淨神母顏。施紅點翠照虞泉。曳雲

拖玉下崑山。列旆如松。張蓋如輪。金風殿秋。一作秋清明
發春。八鑿十乘。蠹如雲屯。瓊鍾瑤席。甘露文。玄霜
絳雪。何足云。薰梅染柳。將贈君。鉛華之水。洗君骨。
與君相對。作真質。

北中寒

一方黑照三方紫。黃河水合魚龍死。三尺木皮斷
文理。百石強車上河水。霜花草上大如錢。揮刀不
入迷濛天。爭潛海水飛凌喧。山瀑無聲玉虹懸。

梁臺古愁

梁王臺沼空中立。天河之水夜飛入。臺前鬪玉作
蛟龍。綠粉掃天愁露濕。撞鍾飲酒行射天。金虎感
裘噴血班朝朝。暮暮愁海翻。長繩繫日樂當年。芙
蓉凝紅得秋色。蘭臉別春啼脉脉。蘆洲客鴈報春
來。寥落野篁秋漫白。

公無出門

天迷迷。地密密。熊虺食人魂。雪霜斷人骨。嗾犬唁

一作雪風破

偏善其時景
情態

嘻相索索。舐掌偏宜佩蘭客。帝遣乘軒災自息。玉
星點劔黃金軌。我雖跨馬不得還。歷陽湖波大如
山。毒虬相視振金環。狡狴獫狁吐嚙涎。鮑焦一世
披草眠。顏回十九鬢毛斑。顏回非血衰。鮑焦不違
天天。畏遭銜齧。所以致之然。分明猶懼公不信。公
看阿壁書問天。

神絃曲

西山日沒東山昏。旋風吹馬馬踏雲。畫絃素管聲

淺○繁○花○裙○綵○縵○步○秋○塵○桂○葉○刷○風○桂○墜○子○青○狸○哭
血○寒○狐○死○古○壁○彩○虬○金○帖○尾○雨○工○騎○入○秋○潭○水○百
年○老○鴉○成○木○魅○笑○聲○碧○火○巢○中○起○

神絃

女○巫○澆○酒○雲○滿○空○玉○爐○炭○火○香○蓼○蓼○海○神○山○鬼○來
座○中○紙○錢○窸○窣○鳴○颼○風○相○思○木○帖○金○舞○鸞○攢○蛾○一
噠○重○一○彈○呼○星○召○鬼○歆○杯○盤○山○魅○食○時○人○森○寒○終
南○日○色○低○平○灣○神○今○長○在○有○無○間○神○嗔○神○喜○師○更

顏送神萬騎還青山。

神絃別曲

巫山小女隔雲別。春風松花山上發。綠蓋獨穿香
逕歸。白馬花竿前子子。蜀江風澹水如羅。墮蘭誰
泛相經過。南山桂樹爲君死。雲衫淺汗紅脂花。

綠水詞

今宵好風月。阿侯在何處。爲有傾人色。翻成足愁
苦。東湖採蓮葉。南湖拔蒲根。未持寄小姑。且持感

愁魂。

沙路曲

柳臉半眠丞相樹。珮馬釘鈴踏沙路。斷燼遺香裊

一作陰

翠煙燭騎啼鳴上天去。帝家玉龍開九關。帝前動

一作獨

一作從

笏移南山。獨垂重印押千官。金窠篆字紅屈盤。沙

路歸來聞好語。早火不光天下雨。

上之回

上之回。大旗喜。懸紅雲。撻鳳尾。劔匣破。舞蛟龍。蚩

看他正轉語
意

九死鼓逢逢。天高慶雷齊。陸地無驚煙海千里。

高軒過

韓員外愈皇甫侍御湜見過因而命作

華裾織翠青如葱。金環壓轡搖玲瓏。馬蹄隱耳聲

隆隆。入門下馬氣如虹。一本無此二字云是東京才子。文章鉅公。一本經鉅字

二十八宿羅心胸。一作元精耿九精照耀貫當中。殿前作賦聲

摩空筆。補造化。天無功。厖眉書客感秋蓬。誰知死

草生華風。我今垂翅附冥鴻。他日不羞蛇作龍。

貝宮夫人

丁丁海女弄金環雀釵翹揭雙翅關六宮不語一
生閑高懸銀榜照青山長眉凝綠幾千年清涼堪
老鏡中鸞秋肌稍覺玉衣寒空光帖妥水如天

蘭香神女廟

三月中作

古春年年在閑綠搖暖雲松香飛晚華柳渚含日
昏沙砲落紅滿石泉生水芹幽篁畫新粉蛾綠橫
曉門弱蕙不勝露山秀愁空春舞珮剪鸞翼帳帶

逐句逐字尚
有可取全首
即無謂

塗輕銀。蘭桂吹濃香。菱藕長莘莘。看雨逢瑤姬。乘
船值江君。吹簫飲酒醉。結綬金絲裙。走天呵白鹿。
遊水鞭錦鱗。密髮虛鬟飛。膩頰凝花勻。團鬢分蛛
巢。濃眉籠小脣。弄蝶和輕妍。風光怯腰身。深幃金
鴨冷。奩鏡幽鳳塵。踏霧乘風歸。撼玉山上門。

送韋仁實兄弟入關

送客飲別酒。千觴無緒顏。何物最傷心。馬首鳴金
環。野色浩無主。秋明空曠間。坐來壯膽破。斷目不

逐句逐字尚
有可取全首
即無謂

塗輕銀。蘭桂吹濃香。菱藕長莘莘。看雨逢瑤姬。乘
舫值江君。吹簫飲酒醉。結綬金絲裙。走天呵白鹿。
遊水鞭錦鱗。密髮虛鬟飛。膩頰凝花勻。團鬢分蛛
巢。濃眉籠小脣。弄蝶和輕妍。風光怯腰身。深幃金
鴨冷。奩鏡幽鳳塵。踏霧乘風歸。撼玉山上門。

送韋仁實兄弟入關

緒類題
是緒類

送客飲別酒。千觴無緒顏。何物最傷心。馬首鳴金
環。野色浩無主。秋明空曠間。坐來壯膽破。斷目不

能看行槐引西道。青梢長攢攢。韋郎好兄弟。疊玉
生文翰。我在山上舍。一畝蒿礲田。夜雨叫租吏。春
聲暗交關。誰解念勞勞。蒼突唯南山。

洛陽城外別皇甫湜

洛陽吹別風。龍門起斷煙。冬樹束生澁。晚紫凝華
天。單身野霜上。疲馬飛蓬間。凭軒一雙淚。奉墜綠
衣前。

溪晚涼

白狐向月號山風。秋寒掃雲留碧空。玉煙青濕白
如幢。銀灣曉轉流天東。溪汀眠鷺夢征鴻。輕漣不
語細游溶。層岫迴岑複疊龍。苦篁對客吟歌筒。

官不來題皇甫湜先輩廳

官不來。官庭秋。老桐錯幹青龍愁。書司曹佐走如
牛。疊聲問佐官來否。官不來。門幽幽。

長平箭頭歌

漆灰骨末丹水沙。淒淒古血生銅花。白翎金箭雨

善賦

中盡直餘三脊殘狼牙。我尋平原乘兩馬。驛東石
田蒿塢下。風長日短星蕭蕭。黑旗雲濕懸空夜。左
魂右魄啼肌瘦。酪瓶倒盡將羊炙。蟲棲鴈病蘆筍
紅。迴風送客吹陰火。訪古沈蘭收斷鏃。折鋒赤壘
曾割肉。南陌東城馬上兒。勸我將金換簪竹。

江樓曲

樓前流水江陵道。鯉魚龍化也風起芙蓉老。曉釵催鬢語
南風抽帆歸來一日功。鼉吟浦口飛梅雨。竿頭酒

俊快濃至

悲壯陡絕

清壯

旗換青苧。蕭騷浪白雲。差池黃粉油衫寄郎主。新
槽酒聲苦無力。南湖一頃菱花白。眼前便有千里
愁。小玉開屏見山色。

塞下曲

胡角引北風。薊門白於水。天含青海道。城頭月千
里。露下旗濛濛。寒金鳴夜刻。蕃甲鏖蛇鱗。馬嘶青
塚白。秋靜見旄頭。沙遠席羈愁。帳北天應盡。河聲
出塞流。

一作箕

染絲上春機

玉。翼。泣。水。桐。花。井。禱。絲。沈。水。如。雲。影。美。人。懶。態。燕。
脂。愁。春。梭。拋。擲。鳴。高。樓。絲。線。結。茸。背。複。疊。白。袷。玉。
郎。寄。桃。葉。爲。君。挑。鸞。作。腰。綬。願。君。處。處。宜。春。酒。

五粒小松歌

前謝秀才杜雲卿命予作五粒小松歌予
以選書多事不治曲辭經十日聊道八句
以當命意。

皆不成語

謂樹與峯別

蛇子蛇孫鱗蜿蜿新香幾粒洪崖飯綠波浸葉滿

濃光細束龍髯鉸刀剪主人壁上鋪州圖主人堂

前多俗儒月明白露秋淚滴石筍溪雲肯寄書

一作露滴懸秋淚

塘上行

藕花涼露濕花缺藕根澁飛下雌鴛鴦塘水聲溘

溘

呂將軍歌

呂將軍騎赤兔獨攜大膽出秦門金粟堆邊哭陵

樹。北方逆氣汗青天。劔龍夜叫將軍閑。將軍振袖
揮劔鏑。玉闕朱城有門閣。榼榼銀龜搖白馬。傅粉
女郎火旗下。恒山鐵騎請金槍。遙聞箛中花箭香。
西郊寒蓬葉如刺。皇天新栽養神驥。廐中高桁挑
蹇蹄。飽食青芻飲白水。圓蒼低迷蓋張地。九州人
事皆如此。赤山秀鋌禦時英。綠眼將軍會天意。

休洗紅

休洗紅。洗多紅色淺。卿卿騁少年。昨日殷橋見。封

古意

候早歸來莫作絃上箭。

野歌

鷗翎羽箭山桑弓。仰天射落銜蘆鴻。麻衣黑肥衝
北風。帶酒日晚歌田中。男兒屈窮心不窮。枯榮不
等。嗔天公。寒風又變爲春柳。條條看卽煙濛濛。

將進酒

琉璃鍾。琥珀濃。小槽酒滴真珠紅。烹龍庖鳳玉脂
泣。羅屏繡幙圍香風。吹龍笛。擊鼉鼓。皓齒歌。細腰

落々豪意

哀怨豪暢故
是絕調
極是快句可
人可人

如畫如畫有
情無語更是
可憐

舞。況。是。青。春。日。將。暮。桃。花。亂。落。如。紅。雨。勸。君。終。日。
醪。酌。醉。酒。不。到。劉。伶。墳。上。土。

美人梳頭歌

西施曉夢綃帳寒。香鬟墮髻半沈檀。轆轤咿啞轉
鳴玉。驚起芙蓉睡新足。雙鸞開鏡秋水光。解鬟臨
鏡立象牀。一編香絲雲撒地。玉釵落處無聲膩。纖
手却盤老鷓色。翠滑寶釵簪不得。春風爛熳惱嬌
慵。十八鬟多無氣力。粧成髮鬢欹不斜。雲裾數步

無語之語更
濃

好不可解亦自

未厭脂粉

踏鴈沙。背人不語向何處。下堦自折櫻桃花。

月漉漉篇

月漉漉。波煙玉。莎青桂花繁。芙蓉別江木。粉態裊
羅寒。鴈羽鋪煙濕。誰能看石帆。乘船鏡中入。秋白
鮮紅死。水香蓮子齊。挽菱隔歌袖。綠刺罥銀泥。

京城

驅馬出城意。牢落長安心。兩事誰向道。自作秋風
吟。

神奇至於仙
極矣獨屢言
仙死不怪之
怪乃大怪也

官街鼓

曉聲隆隆催轉日。暮聲隆隆呼月出。漢城黃柳映
新簾。栢陵飛燕埋香骨。礎發千年日長白。孝武秦
王聽不得。從君翠髮蘆花色。獨共南山守中國。幾
迴天上葬神仙。漏聲相將無斷絕。

絕一作緣一作續

許公子鄭姬歌

鄭園中請賀作

許史世家外親貴。宮錦千端買沈醉。銅駝酒熟烘
明膠。古堤大柳煙中翠。桂開客花名鄭袖。入洛聞

香鼎門口。先將芍藥獻粧臺。後解黃金大如斗。莫
愁簾中許合歡。清絃五十爲君彈。彈聲咽春弄君
骨。骨與牽人馬上鞍。兩馬八蹄踏蘭苑。情如合竹
誰能見。夜光玉枕棲鳳凰。袷羅當門刺純綫。長翻
蜀紙卷明君。轉角含商破碧雲。自從小屬來東道。
曲裏長眉少見人。相如墳上生秋栢。三春誰是言
情客。蛾鬟醉眼拜諸宗。爲謁皇孫請曹植。

新夏歌

曉木千籠真蠟綵。落蒂枯香數分在。陰枝拳牙卷
縹帶。長風迴氣扶蔥籠。野家麥畦上新壟。長吟徘徊
桑柘重。刺香滿地菖蒲艸。雨梁燕語悲身老三
月搖楊入河道。天濃地濃柳梳掃。

題歸夢

長安風雨夜。書客夢昌谷。怡怡中堂笑。小第栽澗
菜。家門厚重意。望我飽饑腹。勞勞一寸心。燈花照
魚目。

經沙苑

野水泛長瀾。宮牙開小禱。無人柳自春。草渚鴛鴦
暖。晴嘶臥沙馬。老去悲啼展。今春還不歸。塞嚶折
翅鴈。

出城別張又新酬李漢

李子別上國。南山崆峒春。不聞今夕鼓。差慰煎情
人。趙壹賦命薄。馬卿家業貧。鄉書何所報。紫蕨生
石雲。長安玉桂國。戟帶披侯門。慘陰地自光。寶馬

踏曉昏。臘春戲草苑。玉輓鳴懸麟。綠網縑金鈴。霞
卷清池漚。開貫瀉蚨母。買冰防夏蠅。時宜裂大被。
劔客車盤茵。小人如死灰心。切生秋榛。皇圖跨四
海。百姓施長紳。光明藹不發。腰龜徒甃銀。吾將譟
禮樂。聲調摩清新。欲使十千歲。帝道如飛神。花實
自蒼老。流來長傾盆。沒沒暗齧舌。滄血不敢論。今
將下東道。祭酒而別秦。六郡無勦兒。長刀誰拭塵。
地理陽無正。快馬逐服轅。二子美年少。一作講道調清潭調道講清

渾。譏笑斷冬夜。一作花家庭竦篠穿。一作疎曙風起四方。秋月當
東懸。賦詩面投擲。悲哉不遇人。此別定霑臆。越布
先裁巾。



李長吉歌詩卷四

終



李長吉外詩集目錄

南園

假龍吟歌

感諷六首

莫愁曲

夜來樂

嘲雪

春懷引

白虎行

有所思

嘲少年

高平縣東私路

神仙曲

龍夜吟

崑崙使者

歎唐姬飲酒歌

聽穎師琴歌

謠俗



李長吉外集目錄終



李長吉外詩集

唐 隴西李賀撰

宋 廬陵劉辰翁評

南園

方領蕙帶折角巾。杜若已老繭苕春。南山削秀藍
玉合。小雨歸去飛涼雲。熟杏暖香梨葉老。草稍竹
柵鎖池痕。作澗鄭公鄉老開酒尊。坐泛楚奏吟招魂。作酒

假龍吟歌

石乾銅杯吟詠枯瘁。蒼鷹擺血一作寫。白鳳下肺。桂子自落。雲弄車蓋。木死沙崩。惡谿島阿母得仙。今不老。甯中跳汰。截清涎。隈壖臥水埋金瓜。崖磴蒼苔吊石髮。江君掩帳。篔簹折。蓮華去國一千年。雨後聞腥猶帶鐵。

感調六首

其一

人間春蕩蕩。帳暖香揚揚。飛光染幽紅。誇嬌來洞

意苦

房。舞席泥金蛇。桐竹羅花牀。眼逐春暝醉。粉隨淚
色黃。王子下馬來。曲沼鳴鴛鴦。焉知腸車轉。一夕
巡九方。

其二

苦風吹朔寒。沙驚秦水折。舞影逐空天。畫鼓餘清
節。蜀書秋信斷。黑水朝波咽。嬌翫從回風。死處懸
鄉月。

其三

雜雜胡馬塵。森森邊士戟。天教胡馬戰。曉雲皆血色。
婦人携漢卒。箭箠囊巾幘。不慚金印重。踉蹌腰
鞬力。恂恂鄉門老。昨夜試鋒鏑。走馬遣書勲。誰能
分粉墨。

其四

青門放彈去。馬色連空郊。何年帝家物。玉裝鞍上
搖。去去走犬歸。來來坐烹羔。千金不了饌。格肉稱
盤臊。試問誰家子。乃老能佩刀。西山白蓋下。賢儁

寒蕭蕭。

其五

一作泣

曉菊泫寒露。似悲團扇風。秋涼經漢殿。班子泣衰
紅。本無辭輦意。豈見入空宮。腰袂珮珠斷。灰蝶生
陰松。

其六

蝶飛紅粉臺。柳掃吹笙道。十日懸戶庭。九秋無衰
草。調歌送風轉。杯池白魚小。水宴截香腴。菱科映

青翠。羊蒙梨花滿。春昏弄長嘯。唯愁苦花落。不悞
世哀到。撫舊唯銷覓。南山坐悲嘯。

莫愁曲

草生龍坡下。鷓噪城堞頭。何人此城裏。城角栽石
榴。青絲繫五馬。黃金絡雙牛。白魚駕蓮船。夜作十
里游。歸來無人識。暗上沈香樓。羅牀倚瑤瑟。殘月
傾簾鉤。今日槿花落。明朝桐樹秋。莫負平生意。何
名何莫愁。

夜來樂

紅羅複帳金流蘇。華燈九枝懸鯉魚。麗人映月開
銅鋪。春水滴酒猩猩沽。價重一篋香十株。赤金瓜
子兼雜麩。五色絲封青玉鳧。阿侯此笑千萬餘。南
軒漢轉簾影疎。桐林啞啞挾子烏。劒崖鞭節青石
珠。白鬪吹湍凝霜鬚。漏長送珮承明廬。倡樓嗟峨
明月孤。續客下馬故客去。綠蟬秀黛重拂梳。

嘲雪

能不作雪語

昨日發葱嶺。今朝下蘭渚。喜從千里來。亂笑含春。一作雨
語。龍沙濕漢旗。鳳扇迎秦素。久別遼城鶴。毛衣已
應故。

春懷引

一作懷春引

芳溪密影成花洞。柳結濃煙。花帶重。蟾蜍碾玉挂
明弓。捍撥裝金打仙鳳。寶枕垂雲。選春夢。鈿合碧
寒龍腦凍。阿侯繫錦覓周郎。憑仗東風好相送。

白虎行

叙事淺直殊
異長吉徒以
鬼苦血死諸
字効顛為詭
耳

火烏日暗崩騰雲。秦皇虎視蒼生羣。燒書滅國無
暇日。鑄劔佩玦呼將軍。玉壇設醮思冲天。一世二
世當萬年。燒丹未得不死藥。拏舟海上尋神仙。鯨
魚張鬣海波沸。耕人一作夫半作征人鬼。雄豪猛焰烈燒
空。無人為決天河水。誰最苦。今誰最苦。報人義士
深相許。漸離擊筑荆卿歌。荆卿把酒燕丹語。劔如
霜。今膽如鐵。出燕城。今望秦。月天授秦封祚未終。
袞龍衣。點荆卿血。朱旗卓地白虎死。漢皇知是真。

天子。

有所思

去年陌上歌離曲。今日君書遠遊蜀。簾外花開二月風。臺前淚滴千行竹。琴心與妾腸。此夜斷還續。想君白馬懸雕弓。世間何處無春風。君心未肯鎮如石。妾顏不久如花紅。夜殘高碧橫長河。河上無梁空白波。西風未起悲龍梭。年年織素攢雙蛾。江山迢遞無休絕。淚眼看燈乍明滅。自從孤館深鎖

窻。桂。花。幾。度。圓。還。缺。鷓。鴒。向。曉。鳴。森。木。風。過。池。塘。
響。叢。玉。白。日。蕭。條。夢。不。成。橋。南。更。問。仙。人。卜。

嘲少年

青。驄。馬。肥。金。鞍。光。龍。腦。入。縷。羅。衫。香。美。人。挾。坐。飛。
瓊。觴。貧。人。喚。云。天。上。郎。別。起。高。樓。臨。碧。篠。絲。曳。紅。
鱗。出。深。沼。有。時。半。醉。百。花。前。背。把。金。丸。落。飛。鳥。自。
說。生。來。未。爲。客。一。身。美。妾。過。三。百。豈。知。斲。地。種。田。
家。官。稅。頻。催。沒。人。織。長。金。積。玉。誇。豪。毅。每。揖。閑。人。

多意氣。生來不讀半行書。只把黃金買身貴。少年
安得長少年。海波尚變爲桑田。榮枯遞傳急如箭。
天公豈肯於公偏。莫道韶華鎮長在。髮白面皺專
相待。

高平縣東私路

侵侵榭葉香。花木滯寒雨。今夕山上秋。永謝無人
處。石磨遠荒澁。棠實懸辛苦。古者定幽尋。呼君作
私路。

神仙曲

碧峯海面藏靈書。上帝揀作仙人居。清明笑語聞
空虛。鬪乘巨浪騎鯨魚。春羅書字邀王母。共宴紅
樓最深處。鶴羽衝風過海遲。不如却使青龍去。猶
疑王母不相許。垂霧娃一作女鬟更轉語。

龍夜吟

鬢髮胡兒眼睛綠。高樓夜靜吹橫竹。一聲似向天
上來。月下美人望鄉哭。直排七點星藏指。暗合清

乃長吉語

風調宮徵。蜀道秋深。雲滿林。湘江半夜龍驚起。玉
堂美人邊塞情。碧窗皓月愁中聽。寒砧能擣百尺
練。粉淚凝珠滴。紅線。胡兒莫作隴頭吟。隔窗暗結
愁人心。

崑崙使者

崑崙使者無消息。茂陵煙樹生愁色。一作秋金盤玉露自
淋漓。元氣茫茫收不得。麒麟背上石文裂。虬龍鱗
下紅旂折。何處偏傷萬國心。中天夜久高明月。

甚有風刺

古也好以其
深悲茂陵者

歎唐姬飲酒歌

御服沾霜露。天衢長綦棘。金隱秋塵婆。無人爲帶
飾。玉堂歌聲寢。芳林燿樹隔。雲陽臺上歌。鬼哭復
何益。仗劔明秋水。兇威屢脅逼。強梟噬母心。犇厲
索人鬼。相看兩相泣。淚下如波激。寧用清酒爲。欲
作黃泉客。作隔不說玉山頽。且無飲中色。勉從天帝訴。
天上寡沈厄。無處張纒帷。如何望松柏。妾身晝團
團。君覓夜寂寂。蛾眉自覺長。頸粉誰憐白。矜持昭

陽意不肯郎南陌。

聽穎師琴歌

別浦雲歸桂花渚。蜀國絃中震鳳語。芙蓉葉落秋
鸞離。越王夜起遊天姥。暗佩清臣敲水玉。渡海蛾
眉牽白鹿。誰看挾劍赴長橋。誰看浸髮題春竹。竺
僧前立當吾門。梵宮真相眉稜尊。古琴大軫長八
尺。嶧陽老樹非桐孫。涼館聞絃驚病客。藥囊暫別
龍鬚座。請歌宜請鄉相歌。奉禮官卑復何益。

諛俗

上林胡蝶小。試伴漢家君。飛向南城去。誤落石榴
裙。脉脉花滿樹。翩翩燕繞雲。出門不識路。羞問陌
頭人。

李長吉詩外集



終



今世詞家為歌詩者無不喜擬長吉亦一時之
變也先輩稱善言詩者咸服膺宋劉涇溪先生
李文正公麓堂詩話稱其語簡意切別自一機
軸諸人評詩者皆不及良然自杜少陵以下諸
名家皆有評而其於長吉擊節彌甚蓋長吉謫
恠先生亦刻意摹索而有得至謂千年長吉甫
有知己以謂樊川雅自負可知已近世徐文長
亦有評恐未必能及先生當自有辨之者樊川

叙云止四卷外詩乃唐李公藩所遺恐有贗者
竄入先生固已疑之矣請以以之喜為其體者

吳興凌濛初識



侄蘇榭校






















TIFFEN Color Control Patches © The Tiffen Company, 2007

| | | | | | | | | |
|------|------|-------|--------|-----|---------|-------|---------|-------|
| Blue | Cyan | Green | Yellow | Red | Magenta | White | 3/Color | Black |
|------|------|-------|--------|-----|---------|-------|---------|-------|